

Visoki predstavnik uputio čestitke liderima političkih stranaka na postizanju sporazuma o reformi entitetskih ustava

Visoki predstavnik, Wolfgang Petritsch, upućuje čestitke liderima političkih stranaka na postizanju sporazuma koji su potpisali rano jutros. Novi entitetski ustavi će od BiH napraviti istinski multietničku zemlju, osiguravajući Bošnjacima i Hrvatima u RS, i Srbima u Federaciji, punu zastupljenost i punu zaštitu njihovih prava. Izmjena entitetskih ustava predstavlja najozbiljniji izazov sa kojim su se vođe Bosne i Hercegovine suočile od vremena potpisivanja Daytonskog mirovnog sporazuma. "Ovo je zaista istorijski trenutak u kratkoj istoriji savremene BiH. Ovaj sporazum je rezultat okrenutosti ka budućnosti i hrabrosti koje su iskazale političke vođe ove zemlje. Građani BiH večeras mogu biti ponosni na svoje vođe", izjavio je Visoki predstavnik.

Predstavnicima političkih stranaka su izradili i usaglasili mehanizme koji će u potpunosti zaštititi vitalne interese konstitutivnih naroda u oba entiteta te osigurati njihovu punu zastupljenost u izvršnim organima. Pitanje zastupljenosti riješeno je kombiniranjem pariteta, zastupljenosti zasnovane na posljednjem popisu stanovništva, i minimalnim kvotama.

Ovaj sporazum – i način na koji je isti postignut – mijenja političku scenu BiH. Ova zemlja sada može započeti put kojim će se udaljiti od hroničnog nacionalnog antagonizma i podjele. Evropska budućnost je sudbina ove zemlje; njen multietnički

karakter je još jednom pretvoren u prednost. Najzad političke vođe, koje su pokazale hrabrost u donošenju ove odluke, mogu usredotočiti svoju energiju na ostvarenje prosperiteta kojeg su građani ove zemlje bili toliko dugo vremena lišeni.